

ունի այն երկիրներում միայն, որոնց մէջ բոլր-
շեւիկեան նշանաբանները ընկերային յեղափո-
խութեան մասին որեւէ շօշափելի արձագանգ
չեն դառել:

Իրագրէ՞կ են բոլշեւիկները ընկերային յե-
ղափոխութեան այս վախճանին: Անշուշտ:
Փաստերն այնքան կարկառուն են, որ անգամ
սկամայ կոյրերն էլ պէտք է տեսնեն նրանց —
ուր մնաց բոլշեւիկների պէս կամաւոր կոյրե-
րը: Բայց, ինչպէս իրենց բոլոր անյաջողու-
թեան դէպքերում՝ նոյնպէս եւ այս դէպքում
նրանք, փոխոնակ կատարուած սխալի եւ նրա
պատճառած զոհերի պատասխանատուութիւ-
նը իրենց շինքին առնելու՝ գցում են ընկեր-
վարականների վրայ: Նրանց քացաւորու-
թեամբ՝ ընկերային յեղափոխութեան փորձե-
րը վիժեցին, որովհետեւ բանուորական զանգը-
ռածները վրայ ազդեցութիւն ունեցող ընկեր-
վարական կուսակցութիւնները չքաջալերեցին
կամ հակառակ գնացին այդ փորձերին: Բոլշե-
ւիկեան արամարանութեամբ յանցաւորը յի-
մարութիւն գործողը չէ, այլ նա, որ չէ ուզում
մասնակցել յիմար գործին՝ կանխատեսելով
նրա ծանր հետեւանքները...

Իրենց իշխանութեան տասնամեակին,
համաշխարհային ընկերային յեղափոխութեան
կոտորած տաշտի առաջ կանգնած, բոլշեւիկնե-
րը միւլիթարանքի խօսքեր են փնտռում շարքա-
յին ընկերների հիասթափութիւնը մեղմելու
համար: Այդպիսի մէկը գտել է բոլշեւիկեան
տեսարան Բուխարինը:

«Պրավդա» թերթի այս տարուան հոկ-
տեմբեր 16-ի համարում նա ներշնչում է ըն-
կերներին, որ նրանք, համաշխարհային ընկե-

րային յեղափոխութիւն ասելով չպէտք է հաս-
կանան, թէ աշխատաւոր դասակարգը մի շարք
երկիրներում միաժամանակ կամ յաջորդաբար
ընդլղելով պէտք է տապալէ տիրող դասակար-
գերի իշխանութիւնը եւ «պրոլետարական դի-
տատուրա» հաստատէ: Բուխարինը հաւատա-
ցընում է նրանց, որ ընկերային յեղափոխու-
թիւնը մի պրոցէս է, որ երբեմն արագ, երբեմն
էլ դարեր տեւող զանազանութեամբ իրականա-
ցընում է որոշ դասակարգի իրէջանքները, ինչ-
պէս օրինակ այն ընկերային յեղափոխութիւ-
նը, որը շնորհիւ հանրային կեանքի ղեկը ա-
ւատական ադնուակախութիւնից քաղքենի դա-
սակարգին անցաւ:

Մա նշանակում է հոկտեմբերեան յեղա-
շրջման առաջադրութիւնը եւ նշանաբանը ըն-
կերային յեղափոխութեան խնդրում զլխաւայր
դարձնել...

Մենք առարկութիւն չունենք, որ իրա-
կանութեան անողոք հարուածների տակ բոլ-
շեւիկները զալիս կանգնում են այն տեսակէտի
վրայ, որ միշտ պահպանել են ընկերվարական-
ները: Բայց արժէ՞ր արեան գետեր հոսեցնել
եւ այնքա՞ն երկիրներ յետաշրջման գերիլը նե-
տել այս տարրական ճշմարտութիւնը իւրա-
ցընելու համար...

* * *

Այսպիսով տեսնում ենք, որ միջազգային
քաղաքական եւ ընկերային խնդիրներում հոկ-
տեմբերեան յեղաշրջման հինգ առաջադրու-
թիւններից չորսը հիմնովին վիժած են, իսկ
մէկն էլ վիժելու ընթացքի մէջ է գտնուում:

Տեսնենք այժմ, թէ ինչ պատկեր են ներ-
կայացնում նրա առաջադրութիւնները ներքին
քաղաքական եւ ընկերային խնդիրներում:

